



16.august 2007

Inatsisartut Forretningsorden-ianni § 36 imm. 1 tunngavigalugulu Naalakkersuisunut apeqquteqaatinik makkunangga saqqummiussaqaarniarpunga:

Naalakkersuisunut apeqqut, Namminersornerullutik Oqartussat Nalunaarutaat nr. 12, 27.juni 2007-meersoq, meeqqat atuarfianni inaarutaasumik naammassinninnermi nalilersuineq pillugu.

(Inatsisartunut ilaasortaq Astrid Fleischer Rex, Demokraatit)

Tunngavigisaq:

27. juni 2007 meeqqat atuarfianni naarutaasumik nalilersuineq pillugu Namminersornerullutik Oqartussat Nalunaarutaat nr. 12 27. juni 2007-imeersoq atuutilerpoq.

2007-ip upernaavani nalunaarutissamut siunnersuut meeqqat atuafiannut tusarniutigineqarmat takuneqarsinnaavoq nalunaarutissaq 8. klassemi atualersussanut atuutissasoq (tassa aasaanerani atuangiffeqarneqarnerup qaangiuteqammersup kingorna ukiumi atuafiusussami 8. klassemi atualersunut) kiisalu 9. aamma 10. klassit ”misilitsinermi maleruagassat nutaangitsut” atussa-gaat.

Kisiannili nalunaarut naammassisaq atuutilersoq tunngavigalugu tamanna pinngilaq. Maleruagassat nutaat atuutilersut tunngavigalugit nalunaarut atuaqatigiiaanut tamanut atuuppoq, taamaallaat 11. aamma 12. klassit pinnagit.

Tamakkua tunngavigalugit Naalakkersuisunut apeqquteqaatinik nassuiaateqarfigineqartariaqartu-nik makkunangga apeqquteqarnissamut tunngavissaqalersippaannga:

1. Inaarutaasumik naliliinermi nalunaarutip meeqqat atuarfiini atuartunut tamanut taamaallaat 11. aamma 12. klasseni atuutut kisiisa pinnagit atuutilersinneqarneranut suna tunngavigineqarpa, suullu eqqarsaatigisassanut tunngavigineqarpat, tassami nalunaarutissatut siunnersuutip upernaq manna tusarniaassutigineqarneranut atatillugu aallaqqaammut allannguutissatut siunnersuut 8. klassenut taamaallat atuuttussatut allaqqanikummat.
2. Inaarutaasumik naliliinermut najoqqutassiaq qaqugu atuarfinnut nassiuissorneqassanersoq Naalakkersuisut naatsorsuutigaat, tassami atuarfiit pilersarusiornerminnik aallartitsinissamut taanna tunngavigisariaqarmassuk?
3. Naalakkersuisut isumaqarpat meeqqat atuarfiisa tunngaviusumik skematigut, tassa atuarartut ilinniartitsisullu eqqarsaatigalugit, atugassat taama kingusitsigisukkut allanngortitsinissaat pisinnaassasooq, tassami 8. 9. aamma 10. klassit nalunaarutip nutaap atuutiler-neratigut nutaamik aqqissuiffigeqqinissaat pisariaqartussaammat?



4. Ilinniartitsisut tiimit atuartitsivissaatallanngortiterneqartussaapput tassami atuartut januar 2008-mi sapaatip akunnerini pingasuni suliassartik tunniussassaq tunniutereertussaammassuk, suliniullu imaaratarsinnaavoq oqaatsit assigiinngitsut pingasut atorlugit suliarineqartariaqassasoq. Naalakkersuisut isumaqarpat suliassamut taamaattumut nunat-sinni naammattunik oqaatsitigut ilinniartitsisussaartugut?
5. Ullumikkut 10. klassemi atualersimasut maanna ukiuni arlaqalersuni misilinneqaatissat taama ittut piareersarlugit ingerlasimapput. Nalunaarummilu nutaami piumasaqaatigineqartut tunngavigalugit maanna misilitsiffissamik nutaamik siornatigut takusimanngisaminnik atugassaqartinneqalerput. Tamakkua tunngavigalugit atuartut ataasiakkaat taamatut atugassatqartitaalernerat Naalakkersuisut tulluurtutut isiginerlugu?
 - a. Tamakkua makkununga tunngatillugit; atuafinni ataasiakkaani ilinniartitsisut taamatullu atuafinni aqutsisut misilitseriaatsimut nutaamut naammaginartumik piareersartarlernissaat Naalakkersuisut qanoq qulakkeerusuppaat?
6. Atuartunut kiisalu atuarfimmu atillugu angajoqqaat tapersersuinissaat annertoorujusuarmik pisariaqartinneqarpoq. Taakkua qaqugu kiisalu qanoq ilillutik akulerutitinneqarssaat Naalakkersuisut qanoq takorloorpaat?
7. Namminersornerullutik Oqartussat nalunaarutaat nr. 12 27. juni 2007-imeersumut tassa meeqqat atufiannut tunngatillugu inaarutaasumik naliliinermut Naalakkersuisut paasisstissanik soqutiginaatilinnik allanik saqqummiussisinnaanerlutik?

Apeqquaqaatit tiguneriniit ullut suliffiusut qulit qaangiutsinnagit akissuteqarfiginnissaat kissaattigineqarpoq.